

30 JAHRE
RUNNING WILD JAZZ BAND

**Vadderdaach
om Café Mohre'kopp**

Sao, heut maach eich aanen dropp,
o giehn zum Café Mohre'kopp.
T'öß Vadderdaach, mein Quäst giehn möt,
- onn su komme mir ze dritt
ön die Kneip, o sönn su fruuh,
vo weitem hiert scho' jede' Fluuh:
hei danzt de Bär, hei geht et rond,
hei gött gejazzt, dat hält gesond.

Dän Alltag Ohren maol verstoppt,
dao göß'de manchmaol jao bekloppt.
En Hörkur spiielt se widder frei,
mill'juunen Trierer sönn daobei,
wenn sonndaachmorjens, feierdaachs,
RUNNING-WILD, die Dixie-Blaos,
Bestes ze Gehör Euch bringt:
stompt o' bluest o' groovt o' swingt.
Dao brauch mer nöt böss nao Orleans
trinkt liewer hei sei Pörzi Vierz,
o lässt de Siehl maol kräftisch bambeln,
mer muss öm Lewen sonst vill strampeln.

Oh, watt öß datt hei su schiehn,
haam wöll mer noch lang nöt giehn.
Watt gött et fier en schiener Saach,
an su 'nem „heil'jen" Vadderdaach?
Dao gött et Herz jao aanem fruuh,
ein Hoch dem Jazz, maacht weider su!



*„Besser
duuht
gelaacht,
als wie
freckt
geärjert!“*

Helmut Haag, 17.5.2007
als Fischers's Maathes in der
KG Heuschreck 1848 e.V.